

# Inatsisartut peqqussutaat suliffeqanngikkallarnermi ikiorsiissutit pillugit inatsisartut peqqussutaata allanngortinnissaa pillugu (Teknikikkut amigaatit naqqiutaat)

## § 1

Suliffeqanngikkallarnermi ikiorsiissutit pillugit inatsisartut peqqussutaat nr. 5, 1. juni 2006-imeersumi makkua allanngortinneqarput:

1. § 7, imm. 3, nr. 1, imatut oqaasertaqassaaq:

"Suliffeqanngikkallarnermi ikiorsiissutit pinissaanut apeqqutaavoq:

1) Suliffissaqanngitsup imaluunniit angerlartiinnarneqartup peqqissusia tunngavigalugu suliamik naammassisinnaasaanik kommunalbestyrelsi suliffissamik innersuussisinnaanngippat,"

2. § 17, imm. 1 -imi"§ 4, imm. 4" allanngortinneqassaaq imaalillugu: "§ 4, imm. 5".

3. § 18, imm. 1, imatut oqaasertaqassaaq:

"Inatsisartut peqqussutaat una atuutilerpoq ulloq 1. juli 2006. Inuit ulloq 30. juni 2006 annertussusilerikkamik ikiorsiisummik pisartut ullormi tassani nalunaaquttap akunnerini ikiorsiisummik inatsisartut annertussusilerikkamik ikiorsiissutit pillugit peqqussutaat nr. 15, 12. december 2001-imeersoq malillugu piffigisassaminni pisassatik pissavaat. § 12, imm. 2-mi piumasaqaatit naammassineqarpata, nalunaaquttap akunneri taakkua akiliinermi tunngaviussapput nutaamik naatsorsuinissap tungaanut."

## § 2

Inatsisartut peqqussutaat ullormi nalunaarutigineqarfimmini atuutilerpoq ulloq 1. juli 2006 aallartiffigalugu.

Imm. 2. Kommunalbestyrelsip suliffeqanngikkallarnermi ikiorsiissuteqartarneq pillugu inatsisartut peqqussutaanni § 4, imm. 5 tunngavigalugu aalajangiinerinik naammagittaalliutit Isumaginninnermi Naammagittaalliuteqarfimmit suliarineqassapput aalajangiinerup kingornagut naammagittaalliuteqarnissamut piffissaliussap sapaatip akunnerinik sisamanik sivilissuseqartup iluani tunniunneqarsimagunik.

Hans Enoksen

/

Siverth K. Heilmann

---

Pequssut ulloq 21. november 2006-imi nalunaarutigineqarsimasoq

**Namminersorlutik Oqartussat**

Imaneq 4

3900 Nuuk

E-mail: [nsninatsit@nanoq.gl](mailto:nsninatsit@nanoq.gl)

Linkit iluaqutaasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviat

Naalakkersuisut